

Broj: 03-02-1389-1/2022
Sarajevo, 19.07.2024. godine

**PARLAMENT FEDERACIJE
BOSNE I HERCEGOVINE**

- **Predstavnički dom -
gosp. Dragan Mioković, predsjedavajući**
- **Dom naroda -
gosp. Tomislav Martinović, predsjedavajući**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa čl. 191. i 192. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i čl. 186. i 187. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), **radi razmatranja i usvajanja po hitnom postupku, dostavljam Vam PRIJEDLOG ZAKONA O IZMJENI ZAKONA O POLICIJSKIM SLUŽBENICIMA FEDERACIJE BOSNE I HERCEGOVINE**, koji je utvrdila Vlada Federacije Bosne i Hercegovine na 38. sjednici, održanoj 18.07.2024. godine.

Prijedlog zakona se dostavlja na službenim jezicima i pismima Federacije Bosne i Hercegovine.

S poštovanjem,



Prilog:

- Prijedlog zakona na bosanskom jeziku,
- Odredba Zakona koja se mijenja,
- Obrazac IFP NE i
- Zakon o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08, 44/11 i 13/18)

**Co: Federalno ministarstvo unutrašnjih poslova
gosp. Ramo Isak, ministar**

Co: predmet

BOSNA I HERCEGOVINA
FEDERACIJA BOSNE I HERCEGOVINE
VLADA

PRIJEDLOG

ZAKON
O IZMJENI ZAKONA O POLICIJSKIM SLUŽBENICIMA
FEDERACIJE BOSNE I HERCEGOVINE

Sarajevo, juli 2024. godine

RAZLOG ZA DONOŠENJE ZAKONA PO HITNOM POSTUPKU

Zakonom o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08, 44/11 i 13/18) utvrđeni su uvjeti za prestanak radnog odnosa za policijskog službenika. Jedan od uvjeta za prestanak radnog odnosa za policijskog službenika je kada policijski službenik ispuni uvjete za sticanje prava na penziju. S obzirom da prestanak radnog odnosa policijskog službenika koji je utvrđen u članu 122. tačka 3. Zakona o policijskim službenicima Federacije Bosne i Hercegovine nije usklađen sa odredbama Zakona o penzijskom i invalidskom osiguranju Federacije Bosne i Hercegovine neophodno je izvršiti izmjenu gore navedene odredbe Zakona o policijskim službenicima Federacije Bosne i Hercegovine kako bi se ostvarivanje prava policijskih službenika - ostvarivanje prava iz penzijskog i invalidskog osiguranja moglo ostvarivati u skladu sa važećim propisima koji to pitanje uređuju.

S obzirom na navedeno, smatramo da su se stekli uvjeti za donošenje Zakona o izmjeni Zakona o policijskim službenicima Federacije Bosne i Hercegovine po hitnom postupku.

ZAKON
O IZMJENI ZAKONA O POLICIJSKIM SLUŽBENICIMA FEDERACIJE BOSNE I
HERCEGOVINE

Član 1.

U Zakonu o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08, 44/11 i 13/18), u članu 122. tačka 3) mijenja se i glasi:

"3. kada navrši 65 godina života i najmanje 15 godina staža osiguranja odnosno najmanje 20 godina penzijskog staža ili kada navrši 40 godina staža osiguranja bez obzira na godine života, osim za policijskog službenika koji bude imenovan za direktora Uprave policije ili zamjenika direktora Uprave policije, a kojem radni odnos prestaje s istekom mandata u skladu sa Zakonom o unutrašnjim poslovima Federacije Bosne i Hercegovine”.

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E
PRIJEDLOGA ZAKONA O IZMJENI ZAKONA O POLICIJSKIM SLUŽBENICIMA
FEDERACIJE BOSNE I HERCEGOVINE

I - USTAVNI OSNOV

Za donošenje Zakona o izmjeni Zakona o policijskim službenicima Federacije Bosne i Hercegovine postoji ustavni osnov koji je sadržan u odredbi člana IV A. 20. (1) d) Ustava Federacije Bosne i Hercegovine, prema kojoj je Parlament nadležan za donošenje zakona o vršenju dužnosti federalne vlasti. S obzirom na to da se ovim zakonom uređuju unutrašnji poslovi iz nadležnosti Federacije, navedena ustavna odredba predstavlja ustavni osnov za njegovo donošenje.

II - RAZLOG ZA DONOŠENJE ZAKONA

Zakonom o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08, 44/11 i 13/18) utvrđeni su uvjeti za prestanak radnog odnosa za policijskog službenika. Jedan od uvjeta za prestanak radnog odnosa je kada policijski službenik ispuni uvjete za sticanje prava na penziju. S obzirom da prestanak radnog odnosa policijskog službenika koji je utvrđen u članu 122. tačka 3. Zakona o policijskim službenicima Federacije Bosne i Hercegovine nije usklađen sa odredbama Zakona o penzijskom i invalidskom osiguranju Federacije Bosne i Hercegovine neophodno je izvršiti izmjenju gore navedene odredbe Zakona o policijskim službenicima Federacije Bosne i Hercegovine kako bi se ostvarivanje prava policijskih službenika - ostvarivanje prava iz penzijskog i invalidskog osiguranja moglo ostvarivati u skladu sa važećim propisima koji to pitanje uređuju.

III - OBRAZLOŽENJE PREDLOŽENIH RJEŠENJA

Članom 1. mijenja se u članu 122. tačka 3. Ova tačka se mijenja na način da policijskom službeniku prestaje radni odnos kada navrši 65 godina života i najmanje 15 godina staža osiguranja odnosno najmanje 20 godina penzijskog staža ili kada navrši 40 godina staža osiguranja bez obzira na godine života, osim za policijskog službenika koji bude imenovan za direktora uprave policije ili zamjenika direktora uprave policije, a kojem radni odnos prestaje s istekom mandata u skladu sa Zakonom o unutrašnjim poslovima Federacije Bosne i Hercegovine.

U članu 2. definisano je da ovaj zakon stupa na snagu narednog dana od dana objavljivanja u „Službenim novinama Federacije BiH“.

IV - USKLAĐENOST PROPISA S EVROPSKIM ZAKONODAVSTVOM

Federalno ministarstvo unutrašnjih poslova nije moglo utvrditi da postoje primarni i sekundarni izvori prava Evropske unije kojim se na poseban način regulišu pitanja koja su regulisana navedenim zakonom.

V - PROVEDBENI MEHANIZMI I NAČIN OSIGURANJA POŠTIVANJA PROPISA

Provođenje Zakona o izmjeni Zakona o policijskim službenicima Federacije BiH u nadležnosti je Federalnog ministarstva unutrašnjih poslova i Federalne uprave policije, jer se predmetni zakon odnosi na policijske službenike koji su raspoređeni u Federalnoj upravi policije.

VI - OPIS KONSULTACIJA VOĐENIH U PROCESU IZRADE PROPISA

Imajući u vidu da se radi o pitanjima iz isključive nadležnosti Federalnog ministarstva unutrašnjih poslova, ocijenjeno je da nije potrebno obaviti dodatne konsultacije o pitanjima koja su obuhvaćena Prijedlogom zakona o izmjeni Zakona o policijskim službenicima Federacije Bosne i Hercegovine.

VII - FINANSIJSKA SREDSTVA

Za realizaciju ovog zakona nisu potrebna dodatna finansijska sredstva iz budžeta Federacije Bosne i Hercegovine.

ODREDBA ZAKONA KOJA SE MIJENJA:

Član 122.

(Osnove prestanka radnog odnose)

Policijskom službeniku prestaje radni odnos te automatski gubi status policijskog službenika u sljedećim slučajevima:

1. kada svojevrijedno da otkaz;
2. kada dobije ocjenu "ne zadovoljava" na kraju probnog rada;
3. kada navršši 65 godina života i najmanje 20 godina penzijskog staža ili 40 godina penzijskog staža bez obzira na godine života;
4. kada nadležni organ penzijskog i invalidskog osiguranja utvrdi gubitak radne sposobnosti - danom dostavljanja pravomoćnog rješenja o utvrđivanju gubitka radne sposobnosti;
5. kada dva puta uzastopno dobije negativnu ocjenu za rad (član 82.);
6. gubitkom državljanstva Bosne i Hercegovine;
7. kada se neopravdano ne javi na posao u roku od pet radnih dana uzastopno;
8. zbog viška policijskih službenika;
9. kada mu je za krivično djelo izrečena pravomoćna kazna zatvora od šest mjeseci ili teža kazna;
10. kada mu je izrečena disciplinska sankcija prestanka radnog odnose.